

Powšitkowne WOZJEWJENJA

njedźelu, 4. měrca 2012

Póstnej seminaraj

Hłowna tema lětušeho rjada póstnych seminarow w Domje biskopa Bena w Smochćicach rěka „Mać cyrkej, wótc stat: Kotry počah matej?“ Tema druheho seminara rěka „Mjez cyrkwiskim dawkom a nabožnej wučbu – Palace prašenja w počahu mjez statom a cyrkwu“ a budže pónđzelu, 5. měrca. Třeći seminar pónđzelu, 12. měrca, změje temu „Na swěće, ale nic ze swěta.‘ Křescenjo a jich wizije“. K zakončenju lětušich póstnych seminarow předstaji so sobotu, 17. měrca, w ewangelskej wosadnicy w Budyšinje film „Wo ludžoch a bohach“.

Wšitke zarjadowanja započnu so stajnje w 19.30 hodź. Mjez sobuzarjadowarjami seminara je Towarstwo Cyrila a Metoda z.t. Wšitcy su wutrobnje přeprošeni.

Serbska narodna drasta

Přednošk a rozmołwa k temje „Serbska narodna drasta“ budže pjatk, 9. měrca, w 19 hodź. na Bosćanowej žurli w Kulowje. Zawodne słowa kołowokoło serbskeje drasty něhdy a džensa změje Andrea Pawlikowa. Kulowske Bratrowstwo wšitkich zajimowanych, tež z druhich wosadow, wutrobnje přeprošuje.

Zetkanje samostejacych

Samostejacy ze serbskich wosadow kaž tež dalši zajimcy su srjedu, 14. měrca, w 14 hodź. do Domu biskopa Bena w Smochćicach přeprošeni. Zajimcy njech so hač do štwórtka, 8. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Putnikowanje swójbow

Tradicionalne putnikowanje serbskich swójbow do Róžanta budže lětsa pjatu póstnu njedźelu, 25. měrca. Božu mšu w hnadownej cyrkwi změje w 9.00 hodź. Radworski farar, kanonik Šćěpan Delan.

Džěcacy chór za putnikowanje swójbow

Wšitke džěci, kotrež chcedža Božu mšu na putnikowanju swójbow njedźelu, 25. měrca, w Róžeńčanskej swjatnicy w zhromadnym chórze wobrubić, su nanajwutrobnišo přeprošene na zwučowanje, kotrež budže sobotu, 24. měrca, wot 9.00 do 11.00 hodź. na Chróšćanskej farje. Zajimowane džěci njech so prošu hač do srjedy, 21. měrca, pod telefonowym čislom (03 57 96) 8 87 07 we Worklecach přizjewja.

Zhromadny dzeń za 3. a 4. lětnik

Pod hesłom „Połčas“ přeprošuje Dekanatne dušepastyrstwo džěci 3. a 4. lětnika na zhromadny dzeń sobotu, 17. měrca, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 13. měrca, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk we wysokosći třoch eurow.

Terminy Towarstwa Cyryla a Metoda w lěće 2012

datum	čas	městnosć	zarjadowanje
srjedu, 14. měrca	14.00 hodź.	Smochćicy	zetkanje samostejacych
pjatk, 27. apryla	19.00 hodź.	Chróscicy	hłowna zhromadźizna TCM
njedźelu, 6. meje	17.00 hodź.	Różant	mejski nyšpor TCM
njedźelu, 15. julija	17.00 hodź.	Smochćicy	nyšpor při pomniku swjateju Cyrila a Metoda
9. do 18. awgusta		Zakopane	kubłanska jězba ministrantow
njedźelu, 30. septembra	14.00 hodź.	Chróscicy	domchowanka a požohnowanje konjacych zapřahow
sobotu, 20. oktobra	14.00 hodź.	Smochćicy	zetkanje samostejacych
srjedu, 12. decembra	14.00 hodź.	Smochćicy	zetkanje samostejacych
štwórtk, 13. decembra	nawječor - čas so hišće wozjewi	Budyšin	150lětno wobstaće TCM – džakna Boža mša

Nětko tež za ministrantki a ministrantow 7. lětnika

Prózdinske dny w Zakopanym

Towarstwo Cyryla a Metoda (TCM) přewjedže za ministrantki a ministrantow tuchwilneho 7., 8. a 9. lětnika, kotřiž aktiwnje k wołtarjej službě, prózdinske dny w Pólskej. Tutón dowol ma wot štwórtka do soboty, 9. do 18. awgusta, w měšće Zakopanym we Wysokich Tatrach być. Wšitke ministrantki a wšitcy ministranća mjenowaneje starobneje skupiny su k tomu wutrobnje přeprošeni.

Budžemy pućować a so w přirodže Wysokich Tatrow wočerstwitić. Pojědžemy wězo tež do bliskeho Krakowa, zo bychmy sej Wawel, Rynek a Wieliczku wobhladali. Dyrdomdejski budže zawěsće wulět do Słowakskeje, hdžež wočakuje was jězba na splawach.

Financowanje tutych džesać dnjow je sčehowace: Starši měli na ministrantku abo ministranta 160 eurow zapłaćić. Darićel wjetšeje sumy, TCM, wosady a Założba za serbski lud prózdinski projekt podpěraja. Z tym su transport, přenocowanje, zastaranje, wšitke wulěty a zastupy zaručene.

Lube ministrantki a lubi ministranća, přizjewće so **prošu hač do pónđzele, 5. měrca**, w redakciji Katolskeho Posoła, telefonowe čisło (0 35 91) 55 02 12 abo z mailku na Katolski@Posol.de.

Wočakuja was woprawdže wotměnjace a wočerstwujace dny.

Jurij Špitank, předsyda TCM

Profylaktiska poľnomóc, postajenja pacienta a hladanje

Ambulantna hospicna služba Carity přeprošuje wšitkich zajimcow na přednošk k temje „Profylaktiska poľnomóc (Vorsorgevollmacht), postajenja pacienta (Patientenverfügung), hladanje“ wutoru, 13. měrca, we 18 hodź. w ewangelskej wosadnicy na Angeru w Kamjencu. Sylvia Wosky, skutkowaca w socialnej službě chorownje maltezow w Kamjencu, porěči na přikład wo tym, na kotre wašnje měloj so za wšitkich wažnej dokumentaj nastajić a što měło so wobkedźbować.